

1477.

P O L E M I C I.

1478

Schola et Typographia constituenda et vertendis in linguam *Polonicam* Bibliis. Colliguntur haec emitti et perhumano *Alberti* Responsio, in quo tamen sincere edicit, si in Provinciam cum Suis recipi velit *Lascus*, aut amplectendam iis esse Confessionem *Augustanam*, aut novam condendam, quae huic non contradiceret. *Συμβολην* pecuniariam 400. florenorum (Polonicorum?) in triennium addicit. In annum 1544. haec reponenda videntur; memorant vero Scriptores, effectu caruisse; postquam *Lascus* suam de S. Coena Confessionem, sine dubio *Zwinglianam* ad Ducem misisset. *Foll. 6.*

IX. *Pars literarum Lycobatis Loemij ad reuerendiss. dom. Melum Episcopum Dryopolitanum et Praepositum Botaniensem.* Expofuit adfectionem hanc graeculam jam *συγγεγονος* quidam *Wolfgangum Hungerum* et *Mauritium* (Huttenum) *Eichstadianum* reponendo; nil igitur superest, quam ut ad *Botaniensem* adscribam *Herbipolitanum.* *Hungerus* celebris Ictus et Legum Doctor in Academia *Ingolst.* elogium habet in ejus *Annalibus* a *Valent. Rotmaro* *ibid.* 1580. 4. editis p. 102. ubi etiam *Mauritii* Ep. p. 119. clara memoria. Obiit hic anno 1552. *Hungerus* vero 1555. unde scriptae Epistolae tempus desumas. Praefatur Librarius: *Post fratris* (Joachimi) *commendationem, cui sacerdotium ad discendas in Academia literas sacras petebatur, extant haec Epistolae verba.* *Μυνηστρον* ait se mittere, quale pro ratio-

ne huius temporis e schedis suis depromendum videbatur; sunt vero egregiae Viri pii et rerum periti Meditationes de infelici *Germaniae* Statu maxime ob rapinas Bonorum ecclesiasticorum et pravos Cleri mores, quibus tenue illud solatium adhibeas: *Non valet quisquam dicere: Ecce hoc recens est; jam enim praecessit in seculis, quae fuerunt ante nos.* *Eccl. I. v. 10. Foll. 7.*

DCXXXVI.

Codex chartaceus lat. germ. E. 4
Sec. XVII. Folior. 607. 4. non una manu exaratus et a *Leibnitio* cum aliis hic relatis aut referendis oblatus *Eugenio Sabaudieo*, coagmentatus est e quorundam Theologorum Protestantium Scriptis, quorum hic ordo: *Balth. Bebelii Argentines.* Superintend. et Prof. *Witteberg.* a. 1686. defuncti *Loci Antisyncretistici.* Edidit eos titulo *Collegii Antisyncretistici* a. 1709. *Joh. Frid. Mayerus* e Ms. quod nostrum ipsissimum puto; plura enim e Bibliotheca *Mayeriana* ad *Leibnitium* pervenisse, jam aliis locis observavi. Qua fide porro in iis edendis versatus fuerit *Mayerus*, e collatione comperiri posset.

II. *fól. 73.* habentur *Collectanea Dn. D. Danielis Heinrichi p. m. super Matthaeum.* Fuit vir hic patria *Chemnitziensis* Prof. Theol. *Lipsiae*, ubi a. 1666. diem clausit, reliquitque inter alia Ms. *Collectanea* non tantum in *Matth.* sed in omnes *IV. Evangelistas*, ut te-

Z 3

ftatur

statum *Jöcherus* in *Lex. Eruditt.* Et re ipsa *Matthaeum* excipiunt fol. 137. *Notae in coeteros Evangelistas e Biblijs Dn. D. Danielis Heinrici p. m. excerptae*, in quibus Vir doctus non raro catholicos etiam Scriptores excitat, praemissisque ad singula Evangelia Prolegomenis Capita versuum ordine pervadit.

III. fol. 280. *Rationes pro et contra matrimonium Eunuchi*. Ita inscripta est Farrago Judiciorum et Sententiarum lat. et germ. de duplici casu matrimoniali, uno nobilis *Sueci* in *Pomerania*, altero Homini catholici *Itali Dresdae*, quorum uterque Eunuchus, Virgini scienti volenti conjunctorum. Judicia haec sunt Facultatum Theolog. *Lipsiensis*, *Regiomontanae*, *Argentoratensis*, *Jenensis*, *Grypbiswaldensis*, et Ministerii *Luneburgensis*, partimque ejusmodi Matrimonia rescindunt, partim rata habent. Admixtae sunt etiam horum Judiciorum refutationes, praecipue acris contra *Regiomontanum* adprobans, cujus autorem Adversarius adpellat *D. Christ. Dreierum* virum alioqui non optimae inter Suos famae. Acta et ventilata sunt haec intra annos 1666—69.

IV. fol. 412. Theologi cujusdam Lutherani *Idea vel Υποτυπωσις pleni Systematis Theologici*, duobus *Libris* constans, quorum prior inscribitur: *De Praecognitis Theologicis*, alter brevem ipsius Theologiae delineationem continet. Materia admodum uber est, magnusque Autorum numerus indicatur, et quidem, quod Scriptu-

rae Interpretes adinet, Catholici Protestantibus mixti. L. II. *Se&*. 1. c. 23. Religio Papistica dicitur multiplicis varietatis: *Thomistica*, *Lombardica*, *Monastica*, *Interimistica*, *Jesuitica*, quod sane Catholicos ipsos latebat. *Capitibus* subsequis agitur etiam de Religione recentium *Græcorum*, *Anabaptistica*, *Schwenckfeldica*, *Calviniana*, *Photiniana*, *Weigeliana* et *Fanatica*, quae dividitur in *Weigelianos*, *Fratres Rosæ crucis*, *Stifelianos* et *Mevistas*. Ad initium *Libri* II. margini adscriptum habes: 27. *Junii Anno* 1624. Autoris nomen tamen nusquam reperiri, unde nec dicere possum, an haec *Idea* typis unquam commissa fuerit.

DCXXXVII.

Codex chartaceus germ. Sec. E. 8 XVII. Pagg. 255. 4. per duas columnas exaratus, et a *Leibnitio* missus ad *Eugenium Sabaudicum* de Abusibus in Ministerio ecclesiastico Protestantium vigentibus tractat, inscriptus: *Spiegel der Mißbräuche bey dem heutigen Predig-Ampt*. In Monito praevio dicitur *Grypbiswaldiae* noctu aedibus adfixus fuisse. Autor, qui se Verbi Ministerium Zelo Dei actum (*einen Gottes eifrigeren Prediger*) adpellat in Titulo, multas et varias obtestationes, preces, minas ad varios Hominum ordines praemittit, quibus Scripto suo pondus, lectoresque conciliare nititur. Tributum est illud in XXIII. *Articulos*, videlicet: De Vocatione ad Ministerium.